



ЮГЪАНДИН САБПИ КАГЪАЗ

Гирами Рюгъну Югъандиинди му кагъаз шлин вая фужарин-вуш ччвурнахъ дибикІнадар. Гъаддиз, му кагъаз гъадму вахтназ хъугъу варидариз кайиб ву. Сабпи варж йис ккудубкІури, Месигъдикан Ужувлан хабар ва варитІан цІийи хъугъувал кубкъу йишвариъ жара жюрейин каламарра яркъуди рагъуз хъюгънайи. Гъеле хъугърударин арайиъра каламар, гъич саб бин адарира, къабул апІурайи. Мисалназ, сакъюдар кучІлин мялимари, Аллагъдин Бай вуйи Иса Месигъ гъаму дюн'яйин адмисир дар, кІурайи. Гъаддиз Исайин вакил Югъанди, гъякъди Исайихъ хъугънайидари хъугъувалин бин ва метлеб фицдар лишнариинди аьгъю апІуруш, хъайи-хъайиси кІурайи: Аллагъдикан Адми духъну, Чан уьмур ухъхъанди гъурбан дапІну, Дугъу Чан масанвал ухъуз улупну. Хъугърудари гъадму масанвал къабул гъапІну, ва думу жарадаризра багъиш апІура. Гирами Рюгъну, масанвал къабул дапІну, Аллагъдихъна илтІикІдарин гъяни ляхнарикан кІваин апІура: «Шли, Аллагъдиз ккуниси яшамиш шулаза, кІураш, думу Исаси яшамиш духъну ккунду» (2:6).

Иса Месигъ – уьмрин гаф

1 ¹Дюн'я ккебгъхъанмина Айирикан, учуз Гъебхъурикан, ич улариинди учуз Гъяркъюрикан, учу лигури Гъахъирикан, учу ич хилариинди кучри Гъахъирикан, яна уьмрин Гафнакан – Исайикан учу ктибтурача. ²Му вари – учуз гъябкъюнчуз, мидин



шагьидар – учу вуча. Му – учуз гьяркю уьмин Гаф, Адаш Аллагьдихь хьайи. Дугьу Думу учуз улупну ва учу учвуз мидкан хабар дебккрача. ³Учуз гьябкюбдикан ва гьеебхубдикан, гьамус учвуря учук ктикьбан бадали, учвуз хабар дебккрача. Хья учу Адаш Аллагьдик ва Дугъан Бай Иса Месигьдик кидикьнайидар вуча. ⁴Учу му, учуз гьубкIу шадвал хьпан бадали, бикIурача.

Аквнаъди гьягьюб

⁵Магья учуз Аллагьдикан гьамциб хабар гьеебхунчуз: «Аллагь – акв ву. Дугъаъ гьич саб жюрейин мучIушин адар». ⁶Эгер ухьу, Дугъак ктикьунхья кIураш, хья мучIувалиъди гьяраш, ухьу кучIлар апIурахья ва гьякьвалиъди яшамиш шуладархья. ⁷Эгер, Аллагь аквнаъ айиси, ухьура аквнаъди яшамиш шулаш, ихь арайиъ аьлакьйирра хьиди, ва ихь гьарсаб гунагьнахьан Дугъан Балин – Исайин ифди марщ апIура.

⁸Эгер ухьу, гунагь ктарчук кIураш, ухьу ухьуз кучIлар апIурахья ва ухьуъ гьякьвал адар. ⁹Эгер ухьу ачухьди ихь гунгьар кIул'-ин дисуруш, Дугьу, Гьякьлури, хьугьвал Алири, ихь гунгьарилан хил алдабгьиди ва ихь гьарсаб гьякьсузвалихьан ухьу марщ апIиди. ¹⁰Хья эгер ухьу, гунгьар гьапIундархья кIураш, ухьу Аллагь кучIлях вуйирси дерккрахья ва Дугъан Гаф кьабул апIурадархья.

Аллагьдин цIийи табшуругь – масанвал

2 ¹Йиз веледар, узу му, учву гунагь дарапIбан бадали, бикIураза. Хья эгер шли аьгьдарди гунагь гьапIишра, Адашдин улихь ухьхьан гаф Йиврур хья. Думу – Иса Месигь, дугьри Кас ву. ²Ари Гьадму гьурбан духьну, ихь гунгьариккан, неинки ихь, хья гьацира вари дюн'яйин гунгьариккан ккадауз Гьитур ву.

³Дугъан табшуругьар тамам апIури гьашиш, ухьуз Аллагь дугьридан аьгью гьахьунхьуз дупну, архаин хьуз шулухьхьан. ⁴Шли: «Узуз Думу аьгьязуз» кIураш, хья Дугъан табшуругьар тамам апIдарш, дугьу кучIлар апIура ва дугъаъ гьякьвал адар. ⁵Хья фуж Аллагьдин аьгьюваларихь хьпехьураш, думу дугьриданра Аллагьдин масанвали ацIна. Магья гьамци ухьу Аллагьдикди кидикьнайивал аьгью апIуз шулу. ⁶Шли Аллагьдиз ккуниси яшамиш шулаза кIураш, думу Исаси духьну ккунду.



⁷ Йиз масан вуйи дустар, узу учвуз таза табшуругънакан бикІу-радарза, хъа – учвуз сифте бинайиан тувнайибдикан. Му кюгъне табшуругъ учвуз ухдихъанмина деебхънайи гаф ву. ⁸ Хъа жара те-рефнаан, узу учвуз бикІурайиб, цІийи табшуругъ ву, гъаз гъа-пиш, му гъякъвал Иса Месигъдин ва ичв уъмри улупура, миди мучІушназ къяляхъ йивура, ва гъякъвалин аквну гъамустІанра нулар рагъура.

⁹ Шли, чав аквнаъ аза кІури, гъардаш ккун дапІнадарш, думу мегъел мучІушнаъ ами. ¹⁰ Шлиз чан гъардаш ккундуш, думу аквнаъ а, ва дугъаъ фукІара учв алдакруб хъибдар. ¹¹ Гъардаш даккнир мучІушнаъ а. Думу мучІушнаъ яшамиш шула ва дугъаз, учв наанди гъягъюраш, агъдар, фицики мучІушну думу кур дапІна.

¹² Узу учвуз, йиз ккуни веледар,
ичв гунгъарилан
Иса Месигъдилантина
хил алдабгъну, кІури,
бикІураза.

¹³ Узу учвуз, абйир-бабар,
дюн'я-бина хъайиз Айир
агъю гъахъунчвуз, кІури,
бикІураза.
Узу учвуз, жигъилар,
Писубдиин
гъалиб гъахъунчва, кІури,
бикІураза.

¹⁴ Узу учвуз, бицІидар,
Адаш агъю гъахъунчвуз, кІури,
гъибикІнийза.
Узу учвуз, абйир-бабар,
дюн'я-бина хъайиз Айир
агъю гъахъунчвуз, кІури,
гъибикІнийза.
Узу учвуз, жигъилар,
къувватлу вучва,
Аллагъдин Гаф учвуъ яшамиш шула
ва Писубдиин



гъалиб гъахъунчва, кІури,
гъибикІнийза.

¹⁵ Му дюн'я ва дидиъ айиб ккун мапІанай. Эгер шлиз дюн'-
яйинуб ккундуш, дугъан кІваъ Адашдихъна вуйи масанвал адар.
¹⁶ Гъаз гъапиш му дюн'яйиъ айи варибдихъ ихъ гунагъкар жандин
тямягъ хъа. Ихъ уларин тямягъ хъайиб ва гъаму уъмриъ адмийи-
ри фурс ва дамах апІурайиб вари – гъич фукІара Адашдихъан
вуйиб дар. Хъа му вари – дюн'яйихъан ву. ¹⁷ Му дюн'я ва инсан-
дин тямягъ зибгруб – вари гъюдубчІвну гъябгъруб ву, хъа Ал-
лагъдин ниятар тамам апІруризтІан гъаргандин уьмур хъибдар.

Аьхиримжи вахтарин аллагъдин душмнар

¹⁸ Баяр-шубар, аьхиримжи вахтар улукъура! Учвуз гъеебхъи-
ганси, Месигъдиз Къаршур гъиди, дупна. Лигуруш, дураар, ихъ
Месигъдиз къаршу касар, гизаф духъна. Магъа гъаддиз ухъуз,
аьхиримжи саябт улубкънайиб рябкъюрахъуз. ¹⁹ Месигъдиз къар-
шу вуйи гъадму касар ихъ арайиан удучІвдар вуйи, хъа дугъри-
дан дураар ухъукди кидикънайидар дайи. Эгер дураар дугъриданра
ухъукди кидикънайидар вуйиш, дураар ихъ арайиъ гъуздийи. Ам-
маки дураар вари гъергну, гъамди дураарин ухъук кидикъну адру-
вал улупура.

²⁰ Учвуз Гирамири Чав, туву багъиш ачвуз ва варидариз, агъю-
валар фу вуш, агъю гъабхъунчвуз.

²¹ Узу учвуз, гъякъвал агъдарчвуз, кІури, бикІурадарза, хъа ду-
му учвуз агъюган ва диди кучІал арайиз дархиган, бикІураза.

²² Фуж ахъа сарун, Иса – Месигъ дар, кІуруртІан кучІлях? Гъа-
цир кас Месигъдиз къаршу ву. Дицири я Адаш, я Бай къабул
апІурадар. ²³ Шли Бай къабул апІурадарш, дугъу Адашра къа-
бул апІурадар. Шлиз Бай агъгъаш, дугъаз Адашра агъгъа.

²⁴ Сифте бинайиан гъеебхъубдихъди гъузай. Эгер учву, учвуз
сифте бинайилан гъеебхъубдихъди гъузиш, Балихъди ва Адаш-
дихъди хъидичва. ²⁵ Ухъуз Бали туву гаф – магъа гъаму ву: гъар-
гандин Уьмур!

²⁶ Узу му учвуз, учву алдатмиш апІрударикан бикІураза.
²⁷ Хъа учвуз кайиб: Месигъдихъан учвуз дурубкънайи багъиш
учвухъди гъубзди, ва, гъаддиз, учву, шлин-вуш дарсариз кки-
лигурайидар дарчва. Гирамирихъан учвухъна гъафи Рюгъну учвуз



гъякъвалин дарсар кивра, ва гъич саб вахтнара Дугъу учвуз кучІал апІидар. Гъаци вуйиган, Гъадгъу улупурайибси апІинай, ва Аллагъдиъди гъузай.

Аллагъдин бицІидар

²⁸ Гъаци вуйиган, Месигъди кІуруб гъаци апІинайки, йиз веледар, Думу хъадакнугъафиган, Дугъан улихъ учвхъан, я гучІ’вал, я нач’вал адарди, дугъужвуз шлуганси!

²⁹ Эгер учвуз Думу дугъри вуйиб аьгъяш, учвуз гъацира аьгъячвузки: дугъривалиинди яшамиш шулайидар Аллагъдин веледар вуйибра.

3 ¹ Ихъ Адашди ухъуз Чан – Аллагъдин веледар пуб’инди фукъан зурба вуйи масанвал улупнуш, учву фикир апІинай. Ухъу гъаци хъузра вухъа! Му дюн’яйиндари ухъу къабул апІурадар, гъаз гъапиш дурари Думу къабул гъапІундар. ² Йиз ккунидар, гъаму ражари ухъу Аллагъдин веледар вухъа, хъа гъюру вахтари ухъкан фузар шулуш, сабан мялум дар. Саб аьгъяхъуз, Иса Месигъ хъана жилариина гъафиган, ухъу Гъадгъаз ухшар хъидихъа, фицики Думу Учв фицир вуш, гъацирди рякъидихъуз! ³ Вашли чан миж Гъадгъак кивраш, дугъу, марцци Месигъдиз ухшар вуди, чан уьмурра марцц апІура.

⁴ Шли гунагъ апІураш, дугъу законсузвал апІура, фицики гунагъ – законсузвал ву. ⁵ Учвуз аьгъюганси, Месигъ инсанарин гунгъар Чаина гъадагъуз Гъафир ву. Дугъак гунагъ ктар. ⁶ Дугъахъди яшамиш шлу гъич сарира гунагъ апІидар. Хъа гунагъ апІуб давам апІурайириз Думу я гъяркъюндар, я аьгъю гъахъундар.

⁷ Багъалу вуйи веледар, лигайки, учву гъякъ рякъхъан хътаьрударин кучІларихъ мехъебехъанай. Гъякъ’вали тІалаб апІурайиси апІур Месигъси гъякъ кас ву. ⁸ Гунгъар апІур иблисдинур ву, фицики иблисдира, чан сифте бинайианмина гунгъар апІуйи. Аллагъдин Бай жилариина магъа гъамциб метлеб ади гъафир ву: иблисдин тІулар терг апІуз. ⁹ Аллагъдин веледар гъахъидарикан гъич сарира гунгъар давам апІидар, гъаз гъапиш дицир касдиъ Аллагъдин тум а. Гъаддиз дицирихъан гунагъ тІулар апІури гъузуз шулдар, гъаз гъапиш думура Аллагъдин веледарикан



сар духъна. ¹⁰Фуж – Аллагъдин, хъа фуж иблисдин велед вуш, магъа гъамци агъю апІуз шулвухъан: гъякъвалиинди дарапІрур ва чан гъардаш даккнир Аллагъдихъан дар.

Сари-сар ккун апІунай

¹¹Магъа учвуз сифте бинайиан деебхънайи гаф: сар-сарихъна масанди йихъай. ¹²Ухъу иблисдин тереф дибисну, чан чве йивну гъакІи Каиндиз ухшар духъну ккундар. Дугъу думу гъаз гъакІну? Гъаз гъапиш дугъан ляхнар писдар вуйи, хъа чан чвуччвун – ужудар.

¹³Чвйир, мюгътал махъанай, эгер учву му дюн'яйиз ккундарш. ¹⁴Ухъуз агъгъахъуз ухъу аъжалнахъан гъаргандин уъмрихъна дuffmanайиб, фицики ухъуз ихъ гъардшар ккундухъуз. Хъа шлиз ккундарш, думу, чан дукІнайир, дукІну гъузди. ¹⁵Гъарсар, чан гъардаш даккнир, адми йивну гъачІир гъисаб ву, хъа учвуз агъгъачвуз, адми йивну гъакІириз гъаргандин уьмур даршлуб.

¹⁶Масанвал фу вуш, ухъуз, магъа, наънан агъгъаш: Месигъди ухъхъанди Чан уьмур тувну. Ухъура гъаци ихъ гъардшарихъанди ихъ уьмрар тувну ккунду.

¹⁷Эгер шли, девлет ади, хъа чан гъардаш аъжузди яшамиш шулайиб рябкъюри, кюмек апІдарш, дицириъ Аллагъдин масанвал фици шул? ¹⁸Йиз веледар, ихъ ккунивал садар гафарииндина улхбариинди дубхъну ккундар, хъа – ляхниинди, ва якъин вуьйиб дубхъну ккунду.

¹⁹⁻²⁰Ухъу гъякъвалин рябкъюъ айиб гъамци агъю шулу: гъеле ихъ намус сикинди даршра, ухъхъан Аллагъдин улихъ архаинди хъуз шулухъхъан, фицики Аллагъ ихъ намустІан артухъ ву ва Дугъаз вари агъгъа. ²¹Йиз ккунидар, эгер ихъ намус сикинди вуш, ухъхъан гучІ адарди Аллагъдиз багахъ хъуз шулухъхъан. ²²Гъаддиз Аллагъди, Чаз ккарагну Чакан фу тІалаб гъапиш, гъадму тамам апІурухъуз, фицики Дугъан табшуругъарихъди гъярахъа, ва Дугъаз ккуни ляхнар апІурахъа. ²³Магъа ухъуз Аллагъди фициб табшуругъ дебккнаш: ухъу Дугъан Бай – Иса Месигъдихъ хъугъну ккунду, ва Исайи ухъуз табшурмиш гъапиганси, ухъу сари-сар ккун дапІну ккунду. ²⁴Шли Аллагъдин табшуругъар тамам апІураш, гъадму кас Аллагъдиъ яшамиш шула ва гъадму касдиъ Аллагъ яшамиш шула. Наънан агъгъахъа ухъуз, ухъуъ Аллагъ яшамиш шулайиб? – Дугъу ухъуз багъиш гъапиу Рюгъналанмина агъгъахъуз.



Гьякъвалин ва кучІлин рюгь

4 ¹Йиз ккунидар, фунуб рюгьнахъ вушра, яна адмийихъ мехъе-
бехъанай. Хъа дурар Аллагъдихъан вуйин – дарин, гьарган
ахтармиш апІури йихъай, фицики дюн’яйиз бегъем кучІлин пай-
гъамбрар ачмиш духъна.

²Магъа фици Аллагъдихъан вуйи Рюгь агъгю апІуз шулуш:
Иса Месигъ Аллагъдихъан жилиина инсандин суратнаъди гъаф-
ну, кІуру гьарсар рюгь Аллагъдихъан вуйир ву. ³Хъа Иса къабул
дарапІу рюгь – думу Аллагъдихъан вуйир дар. Мицдари Месигъ-
диз Къаршур рази ктаура. Къаршур гъиди, кІури, учвуз деебхъ-
найчвуз ва магъа думу сарун му дюн’яйиъ а.

⁴Йиз веледар, учву Аллагъдиндар вучва, кучІлин пайгъамб-
рариин гъалиб духъначва, гъаз гъапиш, учвуъ айи Аллагъ му
дюн’яйин эйсивал апІурайиртІан къудратлу ву. ⁵Ари гъадрар –
му дюн’яйиндар ву. Гъаддиз дурари кІурайибра гъаму дюн’-
яйикан ву ва дюн’яйиндар гъадрарихъ хъпехъурира ву. ⁶Хъа ухъу
Аллагъдиндар вухъа ва шлиз Аллагъ агъгъаш, думу ухъухъ хъпе-
хъуру. Хъа фуж Аллагъдинур дарш, ухъухъ хъпехъидар. Магъа
гъамци ухъхъан гьякъвал хру Рюгь кучІлин рюгьнахъан жара
апІуз шулу.

Аллагъдин масанвал

⁷Багъалу вуйи дустар, гъачай чиб-чпи ккун апІухъа, гъаз гъа-
пиш масанвал Аллагъдихъан гъюрайиб ву. Масанвал айи гьарсар
касди гъаци апІуру, гъаз гъапиш думу Аллагъдин веледарикан
сар гъахъну ва Аллагъ дугъаз агъгъа.

⁸Шлиъ ккунивал адарш, дугъаз Аллагъ агъгъдар, фицики Аллагъ
Учв масанвал ву. ⁹Магъа фици Аллагъди Чан масанвал ухъухъна
улупнуш: Дугъу Чан айина-адру сар Бай, Гъадгъулантина ухъуз
гьаргандин уьмур хъпан бадали, гъаму дюн’яйиз гъаъну.

¹⁰Дугъри вуйи ккунивал, ухъу Аллагъ ккун гъапІну кІури,
гъаддиъ адар, хъа Аллагъди Чав ухъу ккун гъапІну ва Чан Бай
ухъу гъапІу гунгъарихъанди гъурбан хъуз гъаъну – магъа гьякъ
вуйи ккунивал.

¹¹Йиз ккунидар, Аллагъдиз ухъу масанди вуйиган, ухъура
чиб-чпи ккун дапІну ккунду. ¹²Гъич саризра Аллагъ зат гьаркъюр



дар, хъа эгер ухъуз сар-сар ккундуш, Аллагъ ухъуь яшамиш шула, ва Дугъан масанвал ухъуь гъубкІну артмиш хъибди.

¹³Ухъхъан, ухъу Дугъаь ва Думу ухъуь яшамиш шулайиб ухъуьхъди пай гъапІу Гъадгъан Рюгъниинди аьгъю апІуз шулу. ¹⁴Му вари учуз гъябкъюнчуз ва Адашди Чан Бай дюн'я уьбхюз гъаувалин шагъидар гъахъунча. ¹⁵Эгер фуж Иса Аллагъдин Бай вуйивалихъ хъугъраш, гъадму касдиь Аллагъ яшамиш шула, ва учвра Аллагъдиь гъузра. ¹⁶Учуз Аллагъдин ухъуьхъна вуйи му масанвал аьгъю гъабхъунчуз, ва думу къабул гъапІунча.

Аллагъ – масанвал ву. Масанвали ацІнайир Аллагъдиь гъузра, ва Аллагъра гъадму касдиь яшамиш шула.

¹⁷Ухъуь бегъем гъабхъи масанвалиинди, ухъхъан гъияматдин йигъ хъугъвал алди къабул апІуз шулу, гъаз гъапиш гъаму дюн'яйиь ухъу, Месигъди фици гъапІнуш, гъаци апІурахъа. ¹⁸Масанвал гъич саб жюрейинра гучІ айиб дар. ГъубкІу масанвали гучІ утІубккуру. ГучІ жазайихъди аьлакъа айиб ву, ва гучІруриз бегъем гъубкІу масанвал адар.

¹⁹Аллагъди ухъу сифте ккун дапІнайиган, ухъура Думу ккун апІурахъа. ²⁰«Узуз Аллагъ ккундузуз» кІуруриз чан гъардаш даккунди вуш, думу кучІлях ву, гъаз гъапиш, улариз рякъюрыйи чан гъардаш даккнирихъан, улариз дярякърайи Аллагъ ккун апІуз даршул!

²¹Месигъди учуз гъамциб насигъят тувунчуз: Аллагъ ккунири чан гъардашра ккун дапІну ккунду.

Варибдин аьхюр – Аллагъдин Бай ву

5 ¹Иса – Аллагъдин Месигъ вуйивалихъ хъугънайидарикан Аллагъдин веледар ктучІвурра. Адаш ккунириз, Гъадгъулантин гъахъирра ккунду. ²Ухъуз Аллагъдин веледар ккунивал магъа гъамци аьгъю апІуз шулу: Аллагъ ккун дапІну, Гъадгъан табшуругъар тамам апІруриз Дугъан веледарра ккун шулу. ³Аллагъдихъна вуйи ихъ масанвал Дугъан табшуругъар тамам апІбиинди улупурайиб вуйиштІан. Хъа Дугъан табшуругъар тамам апІуб думукъан читин ляхин дар. ⁴Гъаз гъапиш, Аллагъдихъан вуйи гъарсар му дюн'яйиин гъалиб хъиди. Хъа дюн'яйиин гъалиб гъабхъи къувват ихъ хъугъувал ву. ⁵Дюн'яйиин зиин гъалиб фуж шулу? Иса Аллагъдин Бай вуйивалихъ хъугърур.



⁶Ари Гъаму ву штииндина ифдиинди гъафи Иса Месигъ. Думу, штииндиси, жарасира, ифдииндира гъафну. Мидин шагъид Рюгъ ву, фицики Рюгъ – гъякъ ву. ⁷Гъаз гъапиш, дидин шубур шагъид а: ⁸Рюгъ, шид ва ифи – гъамрари варидари саб кІура. ⁹Ухъу адмийирин шагъидвал къабул апІури шулхъа, хъа Аллагъдин шагъидвал хъана зиина ву, гъаз гъапиш му шагъидвал Аллагъди Чан Балкан кІурайи шагъидвал ву. ¹⁰Аллагъдин Балихъ хъугърайири му шагъидвал чан кІваъ дибисна. Хъа Аллагъдихъ хътругърайири Аллагъ кучІляхиз илтІикІура, гъаз гъапиш, Чан Балкан вуйи Аллагъдин шагъидвалихъ дурар хъугърадар. ¹¹Магъа думу шагъидвал: Аллагъди ухъуз гъаргандин уьмур тувну, ва думу уьмур – Дугъан Балиъ а. ¹²Шлиз Бай аш, дугъаз гъадму уьмурра а. Хъа шлиз Аллагъдин Бай адарш, дугъаз гъадму уьмурра адар.

Ухъуз гъаргандин уьмур багъиш даІна

¹³Гъаму варибдикан узу учвуз, Аллагъдин Балихъ хъугънайидар, учву вари, гъаргандин уьмрин эйсйир вуйибдикан аьгъю хъпан бадали, бикІуразачвуз. ¹⁴Аллагъдикан, гучІ ктарди, тІалаб апІуз шулухъхан: эгер ухъу, Гъадгъан ниятнахъди гъюруб, фу вушра, Дугъкан тІалаб гъапиш, Дугъаз ебхъуру. ¹⁵Эгер ухъуз, ухъу фу ккун гъапишра, Дугъаз ебхъруб аьгъяш, ухъуз гъацира, ухъу ккун гъапІуб вари туврубра, аьгъяхъуз.

¹⁶Эгер шлиз чан гъардши йикІрувалихъна дару гунагъ апІури гъяркъиш, гъадгъухъанди думу ккарагри, ва дугъаз уьмур тувди. Узу аьжалихъна дархру гунгъариъ ахъурикан кІураза. Аьжалихъна гъахру гунагъра а, ва узу учвуз гъацдар гунгъарихъанди ккарагай кІурадарза. ¹⁷Гъарсаб чІуру ляхин – гунагъ ву, хъа аьжалихъна дархру гунагъра а.

¹⁸Ухъуз аьгъяхъуз, Аллагъдин велед гъахъир гунгъарихъан ярхла шула. Думу Аллагъдин Бали уьрхюра ва иблисдихъан дугъак кучуз шулдар. ¹⁹Гъеле вари дюн'я иблисдин гъюкмикк ккашра, ухъу Аллагъдиндар вуйиб аьгъяхъуз. ²⁰Ухъуз, Аллагъдин Бай гъафиваликан ва гъякъ Аллагъ аьгъю хъуз ухъу гъаврикк ккауваликанра аьгъяхъуз. Ухъу гъякъ Вуйириъ айибра аьгъяхъуз, фицики ухъу Дугъан Бай – Иса Месигъдиъ ахъа. Думу – гъякъ вуйи Аллагъ ву. Думу – гъаргандин уьмурра ву. ²¹Йиз веледар, идоларихъан ярхла йихъай.